

EXERCITATIONEM MEDICAM
AD TEXT. XXII. SECT. II. LIB. II.
EPID. HIPPOCR.
DE

FLUORE
MULIEBRI

IN ILLUSTR
QUÆ BASILÆ ROURAC. EST
ACADEMIA
COELESTI Hominum ARCHIATRO PRÆSIDENTE
AVTHORITATE ET CONSENSU
SAPIENTISSIMORUM PATR. R.
AMPLISS. MEDICORUM COLLEGII
PRO IMPETRANDIS SUMMIS
IN ARTE
HONORIBUS ATQVE PRIVILEGIIS
PUBLICO
ERUDITORUM EXAMINI
SISTIT

H. L. Q. S.

CHRISTOPHORUS HELVIGIUS
ANCLAMENSIS POMERANUS
ANNO SALUTIS MDC LXVI.
MENSIS APRILIS DIE IX.

BASIL. TYPIS JOH. JACOBI DECKERI
ACADEMIÆ TYPOGRAPHI.

AS THE COURT HAS DECIDED
IN FAVOR OF THE PETITIONER

IT IS ORDERED THAT THE PETITIONER

BE REINSTATED TO HIS OFFICE

WITH ALL HIS RIGHTS AND PRIVILEGES

RESTORED TO HIM

AND THAT HE BE PAID ALL HIS SALARY

AND BENEFITS DURING HIS ABSENCE

AND THAT HE BE REINSTATED TO HIS OFFICE

WITH ALL HIS RIGHTS AND PRIVILEGES

RESTORED TO HIM

AND THAT HE BE PAID ALL HIS SALARY

AND BENEFITS DURING HIS ABSENCE

AND THAT HE BE REINSTATED TO HIS OFFICE

WITH ALL HIS RIGHTS AND PRIVILEGES

RESTORED TO HIM


AND THAT HE BE PAID ALL HIS SALARY

AND BENEFITS DURING HIS ABSENCE

AND THAT HE BE REINSTATED TO HIS OFFICE

WITH ALL HIS RIGHTS AND PRIVILEGES

RESTORED TO HIM



I. N. D. N. J. C. A.

Hippocr. II. Epidem. Sect. 2. t. 45. 46. 47. 48.
edit. Lind.

ΘΥγατέρες τεκέσσης δι-
δύμης & δυσοκησά-
σης & εἰς πάνυ καθαρθεί-
σης ἐξώδησεν ὅλη. ἔπει-
τα ἡ γαστήρ μεγάλη ἐγέ-
νετο. τὰ δ' ἄλλα ἐταπει-
νώθη. καὶ ἐρυθρὰ εἶη με-
χρι ἔκλειξεν μὲν. ἔπειτα
λευκὰ καὶ ῥα πάντα ἤδη
τὸν χρόνον. πρὸς δ' τ' ἀ-
φροδίσια οἱ ῥόοι ἐβλα-
πτον καὶ οἱ ἀκρήα ἐρυθρὰ
ἐκινδύναζον.

Filiæ parientis gemellas
& difficulter parientis
& non admodum purga-
tæ intumuerunt tota. Po-
stea Venter magnus fa-
ctus, cætera autem im-
minuta. Et rubra erant
ad sextum usque men-
sem. Postea alba admo-
dum omni reliquo tem-
pore. Veneris in usu no-
cuerunt ei fluores, & im-
permixta ei rubra sta-
to tempore pro-
dierunt.

ΕΞΗΓΗΣΙΣ.

§. I.

PRæfens HIPPOCRATIS Locus è Libro va-
riè mutilato quàm variè ab Antiquis etiam ex-
plicatus sit, prolixè recensere nolo; Curiosus
enim facilè discet è proœmio, quod Comm. in VI. Epid.
præfixit GALENUS: Meam saltem mentem bre-
viter, luculenter tamen exponere & HIPPOCRA-
TIS genuinam eruere conabor.

§. 2. Describit hic Mulierem Fluore laborantem, quia ἐρυθρὰ ἔλκεα καὶ ῥα, ἰστα μερὲς ἔκλιν μινός, hæc πάντα τὸ χρόνον prodierunt. Quoties enim tale quid contingit, dicitur Morbus Antiquorum, aliis ῥῆς γυναικῆς, *fluor muliebris*, HIPPOCRATI autem sæpius simpliciter ῥό, *fluor*, aut cum additione, λεκός, ἐρυθρός, πυρρός, *albus, ruber, fulvus*, pro diversis materiæ fluentis.

§. 3. Τεκύσσης, inquit, & hæc voce Sexum & Vitæ genus ostendit. Mulier itaque & puerpera fuit, adeoq; è numero Corporum Non-sanorum Medicis dictorū. Quamvis enim sana videantur & dicantur, quæ ὀρθοσάδια, propriè tamen non sunt, quia nemo tam felicem degit vitā, quin aliquid patiatur, vel ad facilè patiendū disponatur. *Euripid. Iphigen. in Aulide.* Θνήσκων δ' ὅλβιος εἰς τέλος, ὃς δ' εἰς ὃ δ' αἰμῶν, οὐπω γ' ἐφύλις ἄλυπος. **QUINTUS CALABER** Paralip. Hom. VII. v. 83.

— — Μερόπων ἢ πανόλβιος ἔστις ἐτύχθη
Εἰς τέλος, ἐξ ὁρχῆς δ' ἐτέρω' ἐπερ' αἰλιόωσι.

Puerpera autem, cum adeò jam affecta & passa sit, ut lecto affigatur ἀκλινῆρης, ægra, & ἀεργος fiat, si non inter propriè ægrotantes, neque enim partus præternaturam dispositio est, saltem inter Non-sanos, hoc est, Morbis vitā obnoxios rectè collocatur.

§. 4. Utī autem omnem partum insignis Virium prostratio sequitur ob exhaustos Dolorum vehementiā spiritus, ita dubio procul, propter majorem in partu difficili & Dolorem & Spirituum dissipationem, sequetur major ad varia morborum genera proclivitas. Difficulter autem NOSTRAM peperisse ait Hipp. voce δυστοκῆσεως.

§. 5. Nec frustra quoque θυγατέρας peperisse διδύμους dixit, qui non nisi oracula scripsit, sed his ipsis δυστοκίαις causam involvit. **ARISTOTEL.** VII. Hist. Anim. 4.
ὡς ἴππῳ

ὥς ὅτι τὸ πολὺ ῥᾶον ἀπαλλάττειται αἱ πᾶς ἄρρενα κύματα, ἔμᾶλλον μὲν ἀχρεΐας ἀγαπᾷσιν. ὅτι ἡ τῶν θηλειῶν τραναιότης ἀχρεΐας ὡς ὅτι τὸ πολὺ ἔβαρύτερον ἀγάγει. Et paulò post ait: τὰ ἄρρενα πικρεῖται τῷ πόνῳ, τὰ δὲ θήλεα βραδύτερον. καὶ τὸ πόνον ὅτι μὲν τοῖς θήλεσι συνεχῆ ἔνωθρότερον. ὅτι δὲ τοῖς ἄρρεσιν ὁξύμηνον, πολλῷ δὲ χαλεπώτερον εἶναι.

§. 6. E quibus, licet videatur colligi difficiliorem marium partum esse, nihilominus aliter, benè rem consideranti, patebit. Quamvis enim acutior à maribus & molestior dolor fiat, non tamen propterea partus difficilior, imò potius facilior erit. Robusti quippe foetus & ad partum impetu quasi pungente ruentis testimonium est. At verò quævis novit Muliercula, dolore maximè sæviente maximè nitendum esse, ut ita suo nixu foetusq; ipsius impetu facilior edatur partus. Imò nôrunt difficilimos esse non tam qui multo dolore, quàm multo exeunt tempore, quibus cessante ὁδύνη in angusto spes esse solet. Difficilior igitur feminæ partus est, si dolorem continuum & obscuriorem facit, signo imbecillitatis, ob quam impetu agere nequit, sed longiori temporis spiramento molestat.

§. 7. Difficilis autem feminæ partus fit ob duplicem imbecillitatem, Foetus & Matris ipsius. Foetus; quia feminæ maribus imbecilliores. Nec quidquam robustiores nonnullæ obstant. Fieri comparatio debet non maris imbecillis cum femina robusta, sed robusti cum robusta, & sic marem feminâ semper invenies robustiorem; propterea addit ARIST. I. Pol. 8. εἰ μή πρ σπένδῃσιν ὡς δὲ φύσιν. Omnium enim consensu calidior est mas, & ut est VII. Hist. anim. 4. κίνησιν παρέχεται τῷ σώματι μᾶλλον ἢ θήλει. Argumento ipsa est formatio; Puellus enim diebus triginta, puella quadraginta duobus absolvi creditur. Si magis movetur puel-

lus, magis quoque partum accelerat, femina verò minùs nixui auxiliatur, ideoque partum producit & reddit difficiliorem.

§. 8. Matris imbecillitas accedit; quia puellam gestantes sunt ἀχρεῖστοι, ob spirituum in sanguine inopiam, quam digito quasi monstrat corporis illa βαρυτης, & multum promovet vitiosorum succorū copia. Mares enim calore & majore & vegetiore rectius & operantur & alimentum digerunt femellis, quas plura relinquere excrementa, selecto ob calidi imbecillitatem purissimo sanguine, sana ratio dicitur.

§. 9. Quoniam igitur femella cum difficultate prodit in lucē, & rectè ἀχυμένη ἐμοχόσκηται dicitur Nonno Dionys. L. XLI. p. 1076. intendi eam à Gemellis negare nemo potest. Ut enim mulier, nostris saltem locis, ab omni partu simpliciter, & à femina magis, ita à gemellis maximè, ob repetitos labores debilitatur.

§. 10. Expositis jam προφάσει seu agrotandi dispositionibus accessit in NO STRA, quòd non admodum fuit purgata, & πάνυ καθαρθείσα. GALENUS ad aph 72. V. explicans τὸ ἐπάνυλι; Δια τῶτ' ἐν, inquit, προσέθηκε τῷ λόγῳ τὸ ἐπάνυλι, τὸ μὲν διηνεκὲς τὸ ἀποφάσεως κωλύων, ἐνδείκνυμεν δὲ ὅς τὸ πολὺ γίνεσθαι τὸ περιεργμένον. Quamvis igitur hoc loco eadem voce usus sit HIPPOCRATES, ut sensus esset, rarò purgatam esse, puto tamen post excretas secundinas non omninò purgatam, sed lochiorum retentione afflictam fuisse, ita ut initiò benè, non tamen omninò, perfectè & ad modum usque, sicut debebat, fuerit purgata.

§. 11. Facta igitur est λοχιοκρυφία, quæ fundamentum habebat in materia p. n. nempe sanguine lochiorum, qui post foetus exclusionem inutilis & p. n. fit, quia adesse non debet. Ἀμελείαν verò ac vitium in retentione.

tionem. Ergo non nisi materiae & quidem alienae morbis recte accenseri potest. Pars affecta Uterus est & Vasa vicina; quia hic retinentur & stagnant. In utero: quia in eo coacervata sunt, ob usus quos foetui praestiterunt. In vasis: quia repleto utero, ea quoque turgere & impleri ratio dicat. Retinentur autem; quia sanguis non debito modo ebullit & effervesceat, cuius tamen ζέσιν in purgatione lochiorum esse necessariam constat. Non effervesceat: tum quia nimia spiritus imbecillitas est difficili praegresso partu, & a spiritu sanguinis fervor est; tum quoque quia materiam frigidam, crudam & motui ineptam fuisse, ex eventu apparet.

S. 12. Impedita igitur Purificatione, non tantum non expurgatae sunt collectae gestationis tempore est victu indulgentiore cruditates, sed & ipsis illis quae in utero stagnabant, multum fuerunt adauctae, adeoque totum corpus humoribus crudis & serosis ita fuit repletum, ut mirum merito non sit, quod membra ipsi ἐξώδησεν ὅλη, & factum illud Alienitatis νόσημα, quod λεκὸν φλέγμα solet vocare HIPPOCRAT. aph. 76. VII. 29. VII. &c.

S. 13. Quamvis autem λεκὸν φλέγμα saepe ab AUTHOR. cum αἰνὰ τὴν σάρκα inter cutem hydrope confundatur, differunt tamen apud HIPPOC. & conveniunt. Conveniunt subiecto sive parte affecta, uterque enim morbus subcutaneus, αἰνὰ τὰς σάρκας est. l. de aff. XX. 7. Differunt autem materiae ejusque vitio. ὑποσπικίδι ὁ ὕδρωψ habet pro fundamento materiam non pituitosam, uti Leuconphlegma, sed Ichorosam, plus enim semper in Hydrope, quam in Leucophlegmate est, fitque Ichor aequè est pituita miti vel salsa, ac ex aliis humoribus, & propterea Leuconphlegma desinere in Hydropem recte dixit HIPPOC. l. de Affect. XX. 13. Praeterea

terea in Leucophlegmate nitor habitus ac præsertim faciei perit, & quasi cadaverosus color fit; in Anasarca nitor ac splendor plus justo intenditur, ita ut ibi defectu, hic peccet excessu. Denique ibi vestigia impressi digiti diù hærent, hic facilè brevique temporis spatio pereunt, solâ peccantis materiæ diversitate.

S. 14. Laboravit autem NOSTRA alba Pituita. Quo quidem nomine utitur HIPPOC. non tam, quòd frequens ei sit usurpatio causarum morbificarum pro morbis, quàm quòd reale morbi, cum quo Medico res est, pituita sit, quæ causa, factò jam morbo, Medicis dici, quia materia & morbi pars est essentialis, nequaquâ potest. Causa enim ab illis nulla præter efficientem debet agnosci, pituita autem, quæ in parte affecta est, non efficit morbum hunc, sed constituit, hoc est, non extra se, sed ex se producit, aut super se induci finit. Quæ mihi *ἡ ἀφ' ἧς* vel ideò fuit præmittenda, ne scrupum cuidam objiciant illa HIPPOC. è libro de Affect. XX 6 11, *ἡ ὡς ἂν αὐτὴ γίνεται διὰ τὸ φλέγμα* *καλέεται φλέγμα λεκόν.* Pituita enim, ab illa tamen, quæ in parte morbum sustinet, non essentiâ, sed loco diversa, continens est morbi hujus causa, quia eâ præsentē fit, augeſcente augetur, ablatâ tollitur, non quidem simul, sed consequenter. Pituita igitur cùm morbus fit, causa, cùm factus est, pars ejus essentialis est, quia causa omnis proxima transit in partē rei factæ. Dicitur alba, non quòd aliâ pituitâ sit albidior, sed quia cutis color apparet albidior. Cùm enim talis in cute color sit, qualis in spatiis & oculis cutaneis humor est, quid mirum est, si saburrâ excrementorum in habitum delatâ, periit vivus corporis color, & factus est justo *λευκότερον*.

S. 15. Saburram hanc præbuit aquosior è Lochio-cryphia sanguis. HIPPOCRATES disertè l. de Affect.

fect. XX. 10. τὸ αἷμα ὑπὸ πλήθους ἔφλεγματι τοῦ ὕδατος γίνεται, & propterea ἔκ ἐστιν ὁμοίως ἐν αὐτῷ τὸ εἶναι χροον. ὁ δὲ τὸ τοῦ λευκότεροι γε φαίνονται. Abiit autem in spatia cutanea aquosior sanguis, propter imbecillitatem virium, ut vulgus vocat. Cū enim non posset excerni per uterum, remansit in venis κακοχυμία illa pituitosa, & lege circuitus, in arterias carnibus cutique immerfas, nutritionis causa fuit depulsa. Cū autem nutritio sit assimilatio, quæ nequit è pituita fieri, depravatam eam esse & hanc destitutam motu constitisse clarum evadit.

§. 16. Destituta est motu triplici de causa. Prima est loci à foco caloris distantia. Quò enim longius in sanis etiam sanguis à corde abest, eò minùs habet ignis, quæ animale vocat PLATO in Timæo, eoq; minùs movetur, eoq; citiùs sistitur & concrescit. Rectissimè enim HIPPOCR. I. de Diæt. IV. 17. 18. τὸ ὕδωρ ἐπεξίον Ἰπ. τὸ ἔλατον ἔπυρὸς, Ἰπ. λίπε δὲ ἡ κίνησις. ἴσεται δὲ ἐν τῷ σώματι. In habitu autem corporis, venisque cutaneis, longissimè sanguis à corde abest, eaque propter pedes in Leucophl. præ reliquis partibus intumescunt, quia longissimè à corde absunt, & pituita suo pondere deorsum tendit. Altera causa est ipsa Pituita motui inepta: quò enim crassior ac tenacior est, eò citiùs angustias venarum occupat, eoque firmiùs hæret cutaneis. Ultima & potissima est ipsius ignis debilitas, qui solus per se mobilis & à quo omnis in corpore motus; hic enim non tantum difficili partu imminutus, sed & à segnitie materiæ sufflaminatus est, sive impeditus agere & quæ ac quæ oportebat ducere. Segnis autem est pituita, quia frigida & parum aut nihil in se habet ignis naturalis.

§. 17. Postquam igitur ita constitit cacochymia pituitosa, facta est primo Cachexia, sive foedus habitus

color absq; tumore, qui tandem sensim affluente novâ
materiâ successit, & λεκὸν φλέγμα sive οἶδημα σαρκῶν
constituit. Expulso scilicet nec recepto spiritu, inter-
valla carnis, ut HIPPOCRATES in de arte XVII. 8. vocat, ἀσύμφορα,
minimè coibilia (rectius connata aut concreta) glutino-
so pituitæ mucore inter se coiērunt, confusaq; red-
diderunt totam cutem tumidam ac turgidam.

§. 18. Ἐπειτα ὅ ἡ γαστήρ μεγάλη ἐγένετο, quia τὰλλα ἐτα-
πεινώθη. Resumptâ scilicet in Venas materiâ & per Ar-
terias in ventrem depositâ. Quamvis enim credi facilè
possit, per ipsos cutis poros non parùm exhalâsse, ma-
ximam tamen partem in ventris utrem fuit collecta.
Resumptâ quidem est in Venas: quia attenuata, atte-
nuata est, quia languidi antea spiritus quiete ac morâ
vires suas reciperârunt, & impetu fortiori nondum ni-
mis hærentem attriverunt. Resoluta autem sanguiniq;
permixta, in uterum hiantibus arteriarum osculis fuit
delata, quia natura in feminis adeò consueta est per
uterū purgare, ut ipsa muliebritas in menstruis videat-
ur poni ab HIPPOCRATE VI. Ep. VIII. 28. 105. Phaëthusâ qui-
pe Phytee uxorem in Abderis, & Namysiam Gorippi in
Thaso barbatas mulieres non potuisse γυναικωθῆναι di-
xit, menstruorum, quæ γυναικεῖα vocat, indicaturus de-
fectum.

§. 19. Quia verò obruebatur uterus à materiæ pro-
tenaciori suâ crassitie vix satis dilutæ copiâ, fieri non
potuit, quin in ipso angustisq; vasorum hærens coa-
cervaretur, & crescente subinde mole, aut uteri aut
abdominis quendam mentiretur hydropē, quem ci-
ente naturâ solitas sanguinis superflui purgationes cre-
visse initiò, postea verò exactiùs permixtâ materiâ so-
lutum esse, Ratio persuadet & Textus ipse docet.

§. 20. Fluxère enim ἐρυθρὰ μελεῖς ἐκ τριμήνου. Ruffa,
id est, colore, qualis ovi vitellus, exponente FOËSIO.

Author

Author Defin. Medic. ἐρυθρον esse ait, ὁποῦν τὸ ἀποκρινόμενον (μένον in Cod. Ald. abundat) πρὶς τὸν, οἷον ὑπὸ νεοσφαγῆς ἐρεῖς αἷμα. Sanguis autem victimæ recenter mactatæ, ut arteriosus dilutè rubet, & à lotura carniū solo splendore differt. Breviter: fluxere NOSTRÆ ἰχωροειδέα, ὑπερυθρά λεπτά, οἰνώδεα ἢ ὅπως κρεῶν πλῆμα. (ex ARETÆO p. 86.) cujus generis sunt Lochia apud HIPPOCR. I. de morb. mul. ὑδρωπειδέα dicta, qualia esse ait, si quis carnes cruentas abluat, ob quam loturæ rubedinem hīc vocari ἐρυθρά, & sanguinolentam fuisse aquam existimo, quia stagnantis in & circa uterum pituitæ copia sanguinem reddiderat aquosiorē. Redi ad §. XV. & XVII.

§. 21. Duravit autem hæc uteri Hæmorrhagia satis diu, in sextum usque mensem, non quia scatuit ulceribus sanguinem fundentibus, ut placuit INTERPR. nonnullis, sed quòd sanguis justo aquosior contineri in vasis nequit. Quamvis enim fundant sæpè sanguinem, aut sanguinolentum quid ulcera, fieri tamen sex mensium spacio fistulosa debuisse, quod ipsa fluoris in album degeneratio, præter gravissimorum symptomatum absentiam refellit. Sex autem mensibus, qui integris quandoque annis visus est, vexâsse, mirum esse non sinit sanguinis λεπτομερέα, propter μετὰ πῶσιν pituitæ in aquam. Αἰμορροῶσα interim illa XII. annis miserè afflīcta, à salutis nostræ AUTHOR E miraculosè sanata, fidem faciat incredulo.

§. 22. Dictum hoc ἐξάμηνον sanguinis profluvium excepit in NOSTRA λευκόρροια. Ait enim Textus: ἔπειτα λευκὰ κάρτα πάντα ἤδη τὸ χρόνον. Quæ quidē intensa Albedo à pituita ejusque serositate fuit. Pituescebat quippe ac διορρώσκει quasi diffuebat sanguis, quia crudus nec ob frigiditatem, facultatis imbecillitatem, aut, ut apertius di-

cam, spirituum paucitatem fluore continuo contractā
sufficienter coctus. Postquam enim spiritus dissipatus
destituit crudum sanguinis, solutus est nexus ille, quo
reliquo jungebatur, eaq; κατὰ λύπην è communi vitā, δια-
κρίσιν vel ἀποκρίσιν HIPPOCR. dicta, discessit. Ut ne verò lede-
ret impermixtū, jussit natura abscedere extra corpus,
δοτῶσά οὖν HIPPOCR. II. Epid. I. 47. καὶ ἔκρυν appellata.
Quatenus itaq; pars mittens respicitur, fluor albus est
morbus sanguinis, quia à sanguine abscedit pituito-
sum; quatenus verò pars recipiens, morbus est uteri,
cui vulgò solet adscribi, qui tamē, quia non nisi affecto
sanguine afficitur, quare huic potius tribuere non li-
ceat, equidem ego non intelligo.

§. 23. Sanè GALEN. ipse VI. de loc. aff. 5. disertè ait : ὁ
καλὸς μὲν ὁ ῥῆς γυναικείῃ ἐστὶν ὅτε συμβαίνει ταῖς γυναιξὶν χω-
ρεῖς ἔπεσον γενναίαι τὰς μήτρας ὅλως ἔσώματι ἔκκαθαιρομένης
ἐκ νεομίστης δὲ αὐτῆς. ὥσπερ ἐνίοτε καὶ διὰ νεφρῶν ἐκκένεται. Καὶ
γίνεται τὸ μάλα ταῖς ἀπαλοσάρκεις τε καὶ φλεγματώδεσιν, ἃς
καὶ χωρεῖς ἔψαυσαι τὰς μήτρας ἰασάμεθα διὰ τῆς παντὸς σώμα-
τος βοηθημάτων. Quæ priora ejus verba totidem literis
ORIBAS. Syn. IX. c. propr. in MS. Vaticano repet. PAU-
LUS AEGINETA III. 63. ῥῆμαλισμός ἐστιν ὑστέρα ὁ γυναι-
κεῖος ῥῆς ὅλως ἔσώματος ἐκκαθαιρομένης. Quinimò GALEN.
de Diff. sympt. III. 4. in nostras partes omninò abire vi-
detur. Vel enim fieri muliebrem fluxum ait, πειστικῆς
ἐνεργείας ἀρρώσεως, vel τῆς ἀποκριτικῆς ἀμέτρως κινημέ-
νης, vel ἀμφοτέρων ἅμα βεβλαμμένων, vel deniq; λεπτῆς καὶ
ὀρρώδους ἔπαντος αἵματι ἀποτελεσθέντι. Et mox γένεσιν
ejus πολυειδῆ esse ait : ἦτοι ᾧ ἔξαιμαίσεως δυνάμεως ἢ τῆς ἐκ-
κρινέσεως τὸ σφάλμα. γένοιτο δ' αἰπότε, καὶ τῆς καθεκτικῆς ἀμέ-
τρως ἐνεργείας, ἔξ δερματι πυκνωθέντι, ἐτῶν νεφρῶν στε-
γνώθεντων. Quibus in locis GALENUS non uteri, sed san-
guinis vitiis rectè accenset. Nempe fluor muliebris
non est affectus uteri, sed sanguinis, qui per uteri vias
fluit.

fluit. Sanguis enim primariò, uterus verò secundariò, propter materiæ ipsius præsentiam, afficitur; ita ut jam cessare possit ALTOMARI dubitatio, nullam hîc esse certam partem affectam.

§. 24. Leucorrhœa igitur profluentia pituitosa bonâ definitione dicitur. Neque partem, per quam fluit, nominari opus est, quia propter vim subjectæ vocis ac definitæ intelligi solus fluxus uterinus potest. Mortalium quippe nemo fluxum pituitæ per os, nares aut anum, Leucorrhœæ audivit nomine vocari. Partem verò unde profluit, genus ostendit. Profluentia enim est affectus sanguinis, quatenus ejus quædam pars peccat in motu; quod vitium ῥευματισμὸν in genere vocant Graeci, & cum fluit in partem, propriè καθάρρρον, Confluentiam latinè dicas. Cum extra corpus; generale nomen alii retinent, sed nihil obstat, quin profluentiam nos dicamus, Ἐκροήν enim vocat HIPPOCRATES.

§. 25. AUTHOR Definit. Medic. descriptiones nobis potius quàm veras reliquit definitiones. Quales cum PRACTICI nostri pleno semper ore ebuccinent, videamus quid in sinu gerant utilitatis. Τυνακῆϊ ῥῆς, inquit, ἐστὶ Φορὰ ὑγρῶν διὰ μήτρας ὅτι πλείονα χρόνον ὑποδοκίσεως αὐτῇ γιγνόμενῃ. ῥῆς λευκὸς ἐστὶν ὅταν λευκὰ ἢ τὰ δοκρινόμενα, ἐν τῷ προσώπῳ οἰδήματα ἐπὶ ὑποφθάλμια ἐποδίσκεται, ἐνίαις ἢ ἐν γαστρίῃ ἐπὶ σκέλη. Quæ omnia, licet sint verissima, pro bonis tamen definitionibus vendi nequeunt. Cum enim ὁρισμὸς ARISTOTELI sit λόγος τῆς ὀσίαις, ipsique Definit. AUTHORI λόγος ἐννοίας, aut τὸ εἶναι δηλῶν, essentia autem morbi non sit in symptomatum eam sequentium cohorte, ideò Symptomata à definitione bona exulare debere palàm est. Causâ quoque cum factus jam morbus ac permanens non egeat, neque efficiens de effecti aut de causati essen-

tiâ causa sit, producit enim extrâ suum esse aliud esse, locum in definitione habere nequit.

§. 26. Nostram verò definitionem, quia rei essentiam absque superfluis ostendit, perfectam esse censemus. Ostendit essentiam: quia Materiam & Formam docet. Materia est Pituita, in cujus substantia obtinet morbi forma fundamentum, quam vulgò causam continentem malè vocant. Forma autem, sive vitium ac ἀμείλεια est profluentia, quia hæc lædit tùm sanguinis, tùm uteri usum & officium. Sanguinis: quia p. n. eum disponit, quatenus non convenit naturâ, ut quidquam in & ab eo secedat, & quasi seditionem excitet. Uteri: quia per eum talis fluxus naturâ fieri non debet. Usus enim foecunditatis, propter quem irrigatur, talem fluxum minimè gentium postulat. Nec quidquam valet, Excrementa naturaliter à sanguine abscedere, quia tùm & debitis locis & modo convenienti, nec alienata, sed è necessitate materiæ assumptæ quasi naturalia separantur. Hîc autem alienata, pituitosa nempe excernuntur, à quorum conditionibus, colore, consistentiâ, facultate, ut & à Profluentiæ modo infirmas ac específicas morbus accipit differentias, sapientissimo HIPPOCRATI II. de Morb. Mul. magnâ curâ explanatas.

§. 27. Primam color facit, qui prout magis minusve albicat, aut ad flavedinem, pallorem vel virorem declinat, ita varios quoque corruptionis & mistionis in materia ostendit modos, Albedo tamen omnis, ut fluor dicatur albus, abesse nequit. Sic autore HIPPOCR. II. de morb. mul. modò λεκόν, IX. 2. XI. 2. modò ὑπόχλωρον, X. 2. XI 9. modò λεκόν ὑπόχλωρον, X. 2. χλωρόν ὑπολεκόν XII. 2. modò κάρτεα λεκόν, (ut est in TEXTU) modò, ut loquitur AETIUS, οἷον πρισάνη fluere observatur.

§. 28. Se-

§. 28. Secunda consistentiæ debetur; Nam vel tenuia & liquida, vel glutinosa, crassa & grumosa, & vel ovi albumen, vel piscium Melanurorum mucosum gluten, vel pulmonis marini, aut urticæ marinæ substantiam referentia vacuantur. Sic apud HIPPOCR. l. d. modò ὡς ὄνυχρον, modò ὁμοῖον πρεβάτης ἔρον, modò ὅιον ἐξ ὧν ὡμῶν profluit. Ubi notari tanquam ἐν παρόδῳ debet, malè intellexisse MERCURIALEM verba σφῆς & θειοτάτης γέρονι. HIPPOC. quando eum urinam Leucorrhœicam asininæ comparâsse ait, IV. de morb. mul. 6. quia non de urina, sed de fluore ipso, ejusque consistentiâ intelligi debet.

§. 29. Tertiam Δυσάμεις constituunt, prout enim materia acris vel iners, ita quoque vel cum dolore & partium erosione, vel sine eis morbus est; prout putrida vel imputris, ita vel cum putore vel non: Denique prout tibi est miasmate infecta, ita quoque contagiosus evadit. Talis ut plurimum est lue venereâ laborantium, vulgò pro Gonorrhœa virulenta habitus.

§. 30. A Profluentia modo Quarta defumitur, ejusque respectu Morbus vel continuus vel interpolatus, magnus vel parvus dicitur; quæ tamen ipsa, si rem benè consideres, à materiæ quantitate aut facultate pendet. Cum enim præter materiam nihil reale morbus habeat, quid mirum est, si ab ea differentiæ potissimæ pendent?

§. 31. Ob materiam quoque modò hâc, modò aliâ parte stagnantem, fiunt Symptomata affectum hunc comitantia. Quantisper enim in sanguine si non κτ' σύμφυσιν, saltem κτ' σύγχυσιν hæret, cum eo ad varias partes delata, variis quoque molesta fit. Est inde non oculorum, ut malè vulgus putat, sed τ' ὑποφθαλμίων ἢ χρίλων, II. M. M. IX. 3. XII. 4. de nat. mul. XV. 5. eorum quæ

ditas vel denique sterilitas, ut de NOSTRA quoq; ait
 Textus: ὅτι πρὸς τ' ἀφροδίσια οἱ ῥόοι ἔβλαπτον. Quo loci ob-
 servare oportet, non frustra HIPPOCR. in plurali flu-
 xiones dixisse, sed ut utrumque tam ἐρυθρὸν quàm λευ-
 κὸν κάρτεα comprehenderet. Uterq; enim laxando ute-
 ri fibras, tonum & cum eo actionem sese constringen-
 di tollit. Obsunt itaque veneri, vel quatenus ad attra-
 hendum, vel continendum semen uterum impotentē
 faciunt. ἦν γὰρ ὑγρότερον ἢ τὸ σῶμα τῶν ὑπερέων, & δύναται εἰρύσαι
 τὸ γόνον. I. de morb. mul. XXXIV. vel si superatâ omni
 difficultate fortē concipiat, quatenus neque satis bo-
 nam, neq; satis copiosam concepto alimenti materiam
 præbent, ita ut tandem immineat abortus.

§. 34. At verò consideratu non indignum est, quòd
 afflictis ita mulieribus statâ nihilominus est menstrua-
 tio. NOSTRÆ ἀκρητα, ἐρυθρα, ἰκνέμενα, prodiisse TEX-
 TUS ait. Nempe sanguis hic profluebat more solito,
 singulis mensibus. Clarè enim id monstrat addita vox
 ἰκνέμενα, quam cū in Græco habeant FOËSIUS &
 MERCURIALIS, malè in interpretatione omiserunt,
 quia fluxionem determinat. Mirum est nostrum quoq;
 Præceptorem JLL. VAN DER LINDEN omisisse.
 HESYCHIUS ἰκνεομένης προσηκένως exponit, & apud
 HIPPOCRATEM de morbo sacro φρονίδες & ἰκνέ-
 μενα dicuntur, quæ intempestivæ, & in de aër. aqu. &
 loc. προσηρόσκειν & χερόν & ἰκνέμεναι ait, senectutem ante
 constitutum debitum ve tempus indicaturus. Hoc ita-
 que loco τὸ ἰκνέμενα statam debitamq; menstruorum
 reversionem denotat.

§. 35. Fluxisse autem ἐρυθρα, eaque ἀκρητα, summo
 pariter dixit iudicio. Rubra quidem, ut ab albo, im-
 permixta verò, ut à priori fluxu ἐρυθρῶ distingueret, cui
 ferescentem pituitam fuisse permixtam suprâ audi-
 vi-

mus. Sed quomodo impermixta planè prodierint à corpore tam pituitoso, ut omni tempore profluentia ejus afflicto sit, mirum alicui videri poterit: fieri tamen NOSTRORUM quoque observatione constat. Dicam breviter, quod rem esse puto. Laboravit NOSTRA magnâ virium imbecillitate; facile igitur facta est naturalis & debita mulieribus plethora ad vires, quia neque labore neque calore imbecilli absumi potuit sanguinis quantum vis in se pauci superfluum. Natura igitur αὐτοδίδακη, sive ut loquitur HIPPOCR. VI. Epid. V. 4. ἀπαίδειη ἔμαθῃσα, τὰ δέοντα ἐποίησεν, statò scilicet tempore & ordinario modo dimisit. Tempus ὁ Δημιῶργος ἡμῶν voluit esse menstruum. Modus fit agitatione adeò interdum magnâ, ut pulsus frequentia, febris, lumborumque dolor ob divaricatam illic arteriam sequatur. Et hæc omnia NOSTRÆ adfuisse affirmare ausim, quia in tanta pituitæ copia magnâ agitatione sanguinis, magnoq; spirituum conatu opus fuit ad id, ut superfluum natura vacuaret. Superfluum dico, non per se, sed alimenti viriumq; respectu. Alimenti: non quòd omni eo corpus emaciatum opus non habuerit, sed quòd ob pituitæ impedimentum debite apponi non potuerit. Virium: quatenus ipsæ imbecilles & à materiæ copia obrutæ ulterius, bono quantumvis sanguine, premi non debuerunt.

S. 36. Et hæc ad historiæ ipsius intellectum satis. Superest ut omissam hîc curationem, quàm fieri poterit Methodicè apponamus. Morbos omnes tali subsequutos esse serie in historia videmus. Ἀδυναμία, λοχιοκρυφίη, λευκὸν φλέγμα, ῥῆς γυναικῆ ἐρυθρὸς, denique κάρτε λελκὸς, ob quem potissimùm præsentem exercitationem suscepimus.

S. 37. Si itaque sub initium similis casus vocarer, virium

virium imbecillitati Roborantibus, Balsamo puerorum, vel Aquâ matricali, vel factô è pulveribus Margaritarum, Corallorum, Tormentillæ, Croci, Caryophyllorum, in corticibus Citri conditis, conservâ Cydoniorum, florum Cheiri, Syrupoque Melissæ aut Artemisiæ debitè exceptis Electario prospicerem, Diætâque frigidos ac crudos humores absumerem.

§. 38. Quòd si verò Lochiocyphria jam adesset, omni studio fervorem sanguinis excitarem, quem ob spiritum exhaustum & à materia oppressum non sequutum esse antea audivimus. Tali itaq; materiâ, quæ exhaustum restaurare & oppressum à materiæ crassitie liberare possit, suscitarem: Igitur præter jam dicta, ad has indicationes non inefficacia in aqua vel tinctura Menthæ cum Cinamomi & Croci scriptulo Boracis mineralis drachmam, vel extractum radicum Aristolochiæ aut Bryoniæ, cum succini & Croci oleis, & confectioe Alchermes è vino præberem. Hæc enim omnia spiritus roborandi, crassos humores attenuandi, & ad uterum peculiariter deducendi vim habere, docuit rerum Magistra, Experientia.

§. 39. Leucon phlegma si jam appareret, habitûs alienitatem omni studio averruncarem. Materiæ verò conditio & collectionis modus indicaret remedii materiâ. Quatenus crassa & frigida, attenuantia & calida requirit, quatenus destituta motu moveri, quatenus aliena & p. n. planè exterminari viis ipsi naturæ affectatis & conferentibus debet. Prima duo indicata; motum & præparationem Diætâ & Pharmaciâ exhaurirem. Cibos darem, panem purum, acidum, neque pisces, HIPPOCRATIS exemplo, II. de morb. LXIX. 16. 18. 19. 20. 21. 22. scorpios coctos concedentis, recusarem, dulcia & pingua defenderem, contra ὀξεία

Ἐδριμέα πλὴν σκορόδ' ἢ κρομίς ἢ πρᾶσ' darem, quod NO-
STR I quoque non multum eis dediti facile ferrent.
ορίανον ἢ ἑρμῆρην πολλὴν ἐσθίειν καὶ οἶνον ὅτι πίνειν οἰνώδεα, καὶ
ἀδοιπρέειν πρὸς ἑσθίειν, juberē. Vinum dico vinosum; non,
ut malè vertit FOESIUS, aquosum: οἰνώδες enim aquosū
nemo exponet, si animum advertat. Verbo dicam:
E' præcepto HIPPOCR. XX. 5. I. de Affect. juberem διαίταν
σιλοισι καὶ πόσισι καὶ πνοισιν ὑφ' ὧν ὡς ξηρόταται εἶσαι, καὶ ἰσχνότα-
τα. In Pharmacia è vulgò dictis digestivis & calidis,
Hysso, Pulegio, Scolopendriâ, Melissâ, Menthâ, Ani-
so, Fœniculo, Pipere, Guajaco, Cremore Tartari, Tar-
taro Vitriolato, Sale Absinthii, Centauri minoris & si-
milib. formulas varias conficerē, & pro varietate cir-
cumstantiarum, consuetudine loci, mulieris conditio-
ne, gustu & similib. vel insipida, vel amara, vel dulcia,
vel acida, vel Julepi, vel Apozematis, vel Catapotio-
rum, vel aliâ quavis formâ. justo tempore propinarem.

§. 40. Postea præparatam decenter materiam eli-
minarem & Purgatione per alvum & Sudoriferis.
Purgatione: quia per alvum παραχρῆσται ἰσχυρῶς natura
ipsa expedire morbum solet, tum quia per uterum, quo
nostro in casu abusa est, non tam cōvenienter, sed ma-
jori, non mulieris tantum, sed viri quoq; incommodo
purgatur. HIPPOCR. LXIX. 1 r. II. de morb. ἢ μὲν ἢ γαστῆρ τα-
ραχθῆναι αἰτιώμενη, δεχομένης τ' ὕδατος, ἐν σπλάγνιτι ὑγρὴς γίνεται. ἢ ἢ
μὴ παραχθῆναι, φάρμακον διδόναι κάτω, ὑφ' ὃ ὕδατος (lib. de aff.
XX. 7. ἢ φλέγμα addit) καθαίρεται. Paulò autē post II. M.
LXIX. 25. sapientissimè monet φάρμακα ὡς ἐλάχιστα
δίδναι, quo non tantum purgantia quàm paucissima
exhibenda esse jubet, sed & quàm minima, id est, quæ
non nimis violenter agant, postea verò quando τὰ ὀϊδή-
ματα κατέλθοι ἐς τὸ κάτω, l. c. 26. infra & suprâ Helleboro
purgat, ut nimirum sub finem morbi hoc modo tota
colluvies tollatur.

§. 41. Ma-

§. 41. Materia mihi radix Jalappæ foret, cujus primo scrupulum, mox duos, denique drachmam ex uncia semis Syrupi Menthæ & Aquæ pulegii vel Melissæ uncia darem, de doseos magnitudine tutus, cum JLL. BAUHINI in prodr. testimonio tuto & sine fastidio opus suum exequatur, nec HOFMANNUS ipse in hydropicis Drachmæ pondus recuset, qui aliàs in granis se intraq; scrupulum substituisse scribit. I. de Med. offic. §. 17. Pars itaque laborans, habitus corporis, non permittit tantum, sed requirit quoque, quod imbecillitas dissuadere posset; facilior enim virium reparatio, quàm morbi est expulsio. Si verò fastidiret prædictum medicamen, darem ipsi Avi mei materni p. m. D. JOACH. ILLIES *κυκεωνες* purgantem. In vini calidi tribus unciis dissolvebat Mannæ electæ unciam & semis, Diaphænici drachmas duas, colaturam addito ovi vitello & croci momento *περιμαλθανω* coquebat, calidamq; successu egregio propinabat.

§. 42. Sudoriferis: quia pituita in ipsis sudoris viis hæret, & præcedenti præparatione attenuatâ, facile vaporescit. Materiam mihi Guajacum, Sarsaparilla, Angelica, Valeriana, Cornu cervi, Vipera, præberet; Bezoar verò, lapis tam pretiosus, quàm inefficax & incertus, mihi non placet.

§. 43. Fluor muliebris rubens si ante meum accessum in locum priorum concederet, ab hoc inventione ultimo inchoarem curationem. Morbus est Hæmorrhagia uteri, illa est profluvium sanguinis. Ergo remedium est Hæmischia aut Ischæmia uteri, quæ sanguinis est consistentia. Ergo indicatum est res sanguinē sistens, cujus conditio & natura è magnitudine, motu ac moribus morbi, materiæ denique specie petenda. Nostro in casu, utrum magna fuerit Hæmorrhagia, cer-

tò affirmare, tacente HIPPOCRATES. nequeo, quod si tamen magna dicenda, quæ cum magna virium jactura diu affligit, magnum fuisse morbum non per se, sed viriû respectu patet. Motus morbi in sextum usque mensem durantis lentus, mores quoque lenes & benigni sunt; neque enim adeò afflixit, quin faciliè toleraverit, uti obambulatio non tantùm, sed veneris quoque usustatur. Igitur Hæmorrhagia benigna, lenis, lenta, quoad vires magna, benignam quoque lenem, lentam & parvam requirit sufflaminationem. Ergò omnis materia non-benigna, non-lenis, non-lenta, non-parva exulare debet. Nullo itaque modo vel Venæsectio, vel Purgatio, vel aliud grande remedium convenit.

§. 44. Non Venæsectio: quia præter quod non est materia parva, lenta, simpliciter quoque sufflaminare motum sanguinis hoc in casu nequit. Rat. est, quia sanguinem attenuat, quod sufflaminationi contrariû. Attenuat; quia paucior post Venæsectionem sanguis idem quod ante spatium occupare debet, nequit autè absq; attenuatione aut vapore. Dein vel in brachio, vel in pede tundi deberet. Non in pede: quia ita AUTH. consensu ad uterum traheretur, contra indicationem; Non in brachio: tùm quia sistere fluxum nequit, qui non ob plethoram aut sanguinis abundantiam, sed ob λεπτομερίαν ejusdem factus est, tùm etiam quia venæ in brachio sectio menses ciendi vim obtinet quàm maximam ad iis CARDANUM de malo medendi usu, errore 63. Cucurbitulæ tamen non scarificatæ mammis appositæ & HIPPOCRATES. II. de morb. mul. II. 17. & in Aphor. commendatæ, quamvis solæ sistere nequeant, rejici omninò propter efficaciam non debent; observato interim præcepto HIPPOCRATES. ut ἡν δύσπνευα γένηται πρὸς τὴν πρὸς-βλησιν τῆς σπλήνως, ἀφαιρεῖν τὴν σπλήνιν, αἷμα δὲ μὴ ἀπάγειν præcipias.

pias. Purgatio locum non habet: quia nec benigna, nec lenis, nec lenta, nec parva est materia, sed motum in sanguine & ebullitionem facit; humores fundit & attenuat, qui omnes effectus indicato sunt contrarii. Materiae verò species & partis natura genuinae nobis naturam demonstrabit.

§. 45. Dixi materiam esse ferofum sive pituitoso aqueum sanguinem. Fluorem autem muliebrem esse affectum compositum, quia duo semper adsunt, sanguinis & uteri. Hujus enim uti profluvium, ita illius ferofitas aut aquofitas affectus est. Uterus igitur tanquam recipiens, sanguis tanquam mandans roborari, & materia tenuitate peccans, incrassari debet. Ergo tales res requiruntur, quæ roborare & incrassare possint. Roborant, quæ laxas uteri sanguinisque fibras cogunt, uti sunt adstringentia & ἰσχυρά dicta, quæ vel à proprietate, uti Jaspis & ex Hellebori albi foliis cingulum, vel ὀνύχιδες manifesta agunt, ut in Diæta sunt apud HIPPOCR. II. de morb. mul. II. 5. lens, panicum, panis assatus in cinere aut bis coctus, caro leporina, columbi & palumbis, hæ enim carnes, cum sanguinem valdè commendunt AUTH. optimæ sunt tam elixæ quàm assatæ. In pharmacía adsunt Pimpinella, Myrtus, Plantago, Betonica, Corallium, Nux moschata, Bistorta, Bursapastroris, Mentha, Tormentilla, Cydonia, & plurima alia, quæ iterum vel internè sumpta vel externè applicata juvant. Incrassant, quæ materia implent vel glutinosa, ut hæreat, vel crassâ, ut vias obstruat. Glutinofam in Diæta præbent cibi glutinosi, gelatinæ, pedes porcellorum, ἰτεῖα, κερχεῖν HESYCHIO. In Pharmacía Mucilagines; v. g. Symphyti radix, Gummi Tragacanthæ, Ceraforum &c. Cornu Cervini & è visci baccis pulvis. Crassam exhibent vel materiae alienæ vel

næ vel sanguis ipse coagulatus. Aliena materia im-
plent Gypsum, Gluten piscium, Creta, Lapis Hæmatites,
Fabrorum rubrica, Bolus Armena, Terra sigillata, san-
guis Draconis. Sanguine verò coagulato tam quæ-
cunque vel actu vel potestate refrigerant, uti Rosæ, Sal
prunellæ, Nitrum depuratum, Aquæ plantaginis, pru-
norum sylvestr. &c. tam quæcunq; *ψάκην* inducunt, uti
sunt semen Hyoscyami, Mandragora, Papaver, Opium.

§. 46. Inventis itaque *μὲν λόγῳ* materiis, quibus agen-
dum, superest, ut videamus, quomodo, sive quâ formâ,
quantitate, tempore, in usum vocari debeant. Mon-
strant & determinant usum remedii in nostro casu, vi-
res, sexus, partis laborantis situs, consuetudo. Vires im-
becillæ roborantia, sexus deliciis gulæ deditus grata
& jucunda, partis situs in profundo, spirituosâ & pene-
trantia, consuetudo Germanorum parvæ molis medi-
camenta requirunt, quæ omnia si sub administratione
observanda, simplici rem expediri vix posse paret. Er-
gò è roborantibus & incrassantibus seligi grata, pene-
trantia in parva mole efficacia, iterumque in formam
gratam, penetrantem parvæq; doseos redigi debent.
Hæc omnia præstat sequens formula: Accipe Extra-
cti Tormentillæ drachmam, semis Coralliorum præ-
paratorum, Terræ sigillatæ ana scriptulos duos, Lau-
dani opiatî grana tria. Detur ex aqua plantaginis vel
bursæ pastoris, vel cum Syropo è rosis siccis & con-
serva Rosarum veteri & acida fiat electuarium, vel
convenienti vehiculo, addito in penetrationem aceto
destillato, propinentur extracti Croci Martis adstrin-
gentis ʒ ij. Quibus similes formulæ è supradictis com-
poni possunt innumeræ. Sexus autem muliebris, quia
facilimè interna fastidit, roborari uterus & stringi em-
plastro contra herniam antè & retrò imposito potest,
cavendo,

cavendo, ne nimium hærens, mulieri dolorem, Medico ignominiam creet.

§. 47. Fluor albus in historia agmen claudens, meritò quidem primus esse in curatione debuisset, quia tamen præcaveri à Medico peritâ præcedentium curâ potuisset, istos primùm examinare debui, hujus autem medelam in hunc usque locum reservare. Morbus est compositus è profluentia & pituitositate. Illa est *ῥέμασις καὶ ἔκκρισις*, qui est fluxus humoris & morbus motûs. Hæc est *ἀπόκρισις* pituitæ, quæ est alienitas sanguinis & morbus materiæ. Ergò istius Remedium est *στάσις*, sive consistentia humoris, illius verò retentio pituitosi, quæ est proprietas sanguinis. Ergò duo sunt indicata: Res humorem sistens & pituitosum retinens, qualem ut inveniamus materiam, attributa morbi considerare debemus. Morbus non est magnus. Ergò nec magnum Remedium. Magnus quidem est *καὶ φαντασίαν*, uti distinguit A U T H. Defin. Med. quia in sanguine longè se extendit, & multæ materiæ inhæret, non verò *καὶ ἀποτέλεσμα*, sive effectû acré ipsâ. Neque enim materia tota hîc substantiâ peccat, sed potestate agit manifestâ, neq; valdè affligit, cùm rebus suis interesse mulierem licet cum incommodo sinat. Morbus diuturnus benignus est & mitis. Ergò Remedium tale postulat. Materiam Remedio sufficientem monstrant fontes, unde dicta accidentia fluunt, materia & pars affecta, sine quibus nunquam esse morbus, nedum ejus accidentia possunt.

§. 48. Primò afficitur sanguis, secundò uterus. Materia peccans pituita, sive crudum sanguinis est. Partes roborandæ. Materia verò vel jam secessit à communionē totius & mortua est, vel non: quæ secessit, redire à totali privatione ad habitum vitæ nequit, igitur ex-

cludi, nec ullo modo sisti debet. Quæ verò nondum secessit, in officio retinenda & coquenda est. Retinetur, si gluten, quo singulæ sanguinis partes uniantur, ita firmetur, ut penetrare & continere possit. Gluten illud spiritus est, qui roboratus & auctus retinebit & coquet, quod antè ob imbecillitatem destituit. Redeunt itaque indicata omnia ad unum spiritûs robur, quippe hoc roborato retinebitur crudum sanguinis, hoc re-
tento cessabit apocrisis, apostasis, & his sublati spontè desinet fluxus. Affectiones istæ quatenus virium imbecillitatem, sive spiritûs penuriam sequuntur, symptomata sunt & fonte exhausto spontè cessant. Cùm igitur spiritûs robur indicatum sit, res indicatum exhaustura spiritum roborare, & ut è priùs dictis liquet, mitis, benigna, diuturna nec magna esse debet. Tale quid quia Chirurgia non habet, Diæta nobis & Pharmacia inspicienda. Utraque verò cùm varii generis roborantia possideat, qualia è nostra re sint, iterum nobis natura rei, quam & propter quam roborare debent, demonstrat. Illa spiritus, hæc pituita est. Illa conservanda similibus, hæc corrigenda contrariis. Spiritus est calidus, humidus, subtilis, mobilis. Ergò similibus roborandus. Roboratio enim nihil aliud quàm propriæ naturæ conservatio est. Pituita est cruda, frigida, humida, crassa, coctilis tamen. Ergò contrariis corrigenda & coquenda. Quæ enim jam separata sanguini & σύγχυσιν saltem miscetur, secedendo mortua, totoque genere p. n. & incoctilis facta, evacuanda est. De quo postea.

§. 49. Omnes hæ conditiones monstrant rem roborantem, quam quærimus, debere esse calidam, siccam, subtilem, mobilem. Siccam dico; quia licèt spiritûs humiditas simile requirat, finis tamen roborationis, materia

materiae coctio non humiditatem spiritus, sed siccitatem intendere suam humiditate præcipit. E' DIÆTA igitur conveniunt ἀλυσίαι, vel si consuetudo regionis aut individui Φιλολόγες jubeat, lavetur θερμῷ μὴ πολλῷ, II. M. M. XII. 36. aut calore sine aqua leviter sudet, aut exemplo GALENI l. de præcogn. ad Epigenem, ungatur melle καὶ ἐκάστην ἡμέραν, & fricetur corpus τὰ μὲν πρῶτα διὰ σινδόνων μαλακότητων, εἴτα διὰ σκληροτάτων. Profunt, ut cum HIPPOCR. II. M. M. X. 10. pergam, πείπαλοι, τὸ αἰωρέεσθαι ὅχέεσθαι μὴ ἡρεμεῖν. Ejusmodi enim lotionem, unctionem & motum minimè violento, spiritus excitatur potius, quàm exhaustur, & sexui vitæq; generi personarum laborantium conveniunt. Constat quippe observatione, mulieres rusticas & laboriosas à fluxu hoc immunes esse, cui nobiles & otiosæ sunt obnoxia. Docet id HIPPOCR. II. de morb. mul. IV. 4. hisce verbis: Quæ supra modum albæ sunt (cui colori valdè student nobiliores) humidiores & ῥοωδέστεραι, sunt, nigrae verò sicciores & adstrictiores. Quæ verò colore sunt subfusco & vinoso, medium quid inter utrasque obtinent.

§. 50. Cibi porrò conveniunt ὥπεπτοι, quales μαλακοί, subtiles & mobiles, quos faciliè digerat languens calidum. Caveat à durioribus & δυσπέπτοις, uti sunt carnes bubulæ, ovillæ, porcinae. Reliquis carnibus junioribus præcepto HIPPOCR. elixis (assatas tamen aviculas non excludit) utatur potius quàm piscibus, nisi regionis situ aut religionis cultu ἰχθυόφαροι sint. Relinquendi autem marini & duri, seligendi cum HIPPOCR. & GALENO. περῆτοι, οἱ γὰρ πάντες ἀγαθὸν ἐδεσμα. Meth. Med. VIII. 2. Sed Medici antiqui, cur adeò faciliè pisces concesserint, vide sis apud MERCURIALEM var. lect. I. 25. Panem edat optimum, σιῶδες, fermentatum, vinumque odoratum, vetus & nigrum bibat.

§. 51. Condimentis falsis, acribus, quin modicè NO-
STRA utatur nihil vetat. Nam cum mitem ac & ἡψῆ
supponamus morbum, metus non est ut δακνῶδες το
ἔργον fiat. II. M. M. XV. 18. Eo tamen casu, quo pustulae
& pruritus pudendis molesta sunt, ab istis abstinere
oportet, quia acris materia contraria indicat.

§. 52. E PHARMACIA conveniunt Hyssopus, Ani-
sum, Calamus, Galanga, Cinnamomum, Nux Moscata,
Anthophylli, Angelica, Majorana & præ omnibus
Mentha, Melissa & Rosmarinus. Istius enim solo & fre-
quenti usu multis fluorem album suppressum esse au-
tor est DODONÆUS, & HIPPOCRATES. ἡδύσμον ἐστίεν jubet.
Illius miram efficaciam Patris mei Venerandi, AN-
TONII HELVIGII, experimentis scio. Hujus deniq;
virtutem in morbis muliebribus admirabilem esse te-
statur P. MONAVIUS apud SCHOLTZIUM in Consil.
Ipse HIPPOCRATES II. de morb. mul. laudat, & J. L. VAN
DER LINDEN p. m. Præceptor meus non uno mihi
nomine venerandus, hoc solo se sanasse profitebatur.
Quod si denique vera Corallorum tinctura, de qua tot
verba Thrasones nonnulli perdunt, à Chymicis ge-
nuinis & eruditis parari posset, istâ solâ fluorem hunc
tolli posse, quia indicationes exhaurit, dubium mihi
non est. Interea dum de vera spem jubemur inchoare
longam, uti cum fructu possumus, quam CL. HOEF-
FELT in suo Hercule descripsit, & præclarus artis usu
Doctor olim noster JOAN. MICHAEL præ aliis nobis
commendavit.

§. 53. Quamvis autem spiritus roboratus excernen-
dæ quoque materiæ incoctili sufficiens videatur, si ta-
men vel illa non cedat, vel ille non agat, quod agere
debebat, utique cogi debent. Spiritus excitandus &
officii sui admonendus: Materia verò ejicienda vi
apertâ.

apertâ. Utrumque præstant universalia vel particula-
ria purgantia αἰω ἢ κατω. Materiam naturæ rei, in quam
agere debent, ostendit, pituitam enim & aquas ducen-
tias eligenda.

§. 54. Inter universalia sive sanguinem respicientia
HIPPOCRATES II. M. M. XIV. 9. in fortibus veratrum, in debili
ρίζω & ἐλατήριον, & lac modò caprillum, modò bubu-
lum, modò asininum, ejusque serum coctum, ut flatus
amittat, proponit. Verùm quid per radicem intelli-
geat, incerto est. GALENUS in exeg. ita herbam
describit, ut cum Onosmate conveniat, quod cum fœ-
tus ejicere dicat DIOSCORIDES, fortè quoque pur-
gat. Sanè GALENUS ρίζαν id habere λεπὴν ἀσθενῶς
καθαίρουσαν ait. Hoc interim in re incerta certum est,
per radicem intelligere HIPPOCRATES purgans aliquod lene,
ἢν γὰρ ἀσθενὴς fuerit ægrotans, ρίζαν τε & ἐλατήριον dare
jubet.

§. 55. At verò dicat aliquis, femina imbecilli quo-
modo audeat dare ἐλατήριον, CARDANI elogio, de fac.
med. 402. Tyrannum medicamentorum validissimū.
Hunc Ego ad JULIUM POLLUCEM duco Onomast.
IV. 25. ubi λυτήρια, ἐλατήρια, τὰ κενῶντα vocari ait; quo si
contentus non est ad JLL. HOFMANNUM Animadv.
in Theophr. IV. hist. 6. & I. de Med. offic. X. 3. Ela-
terium pro omni purgante laxè fumi perspicuis do-
centem ablego. Hic autem ἐλατήριον μικρὸν ἢ ἀσθενὴς in-
telligi, hoc est, omne leniens aut per ὑπὲρ κρᾶσιν purgans,
docent non tantum hæc verba ἢν ἀσθενὴς, sed & addi-
tum de lacte ejusque fero exemplum. Eligit modò asi-
ninum & coquit, quando purgare magis cupit, modò
quando magis nutrire & roborare & stringere, γάλα
βοῦς θερμὸν vel apertiùs, θερμὸν ἀπὸ βοῦς, quod optimum
esse validâ additâ ratione docet, in fluxu putà acri. καὶ

ἃ καθαίρεται & τρέφεται & ἀμβλύνεται. ὑπὸ δὲ τοῦ γάλα-
κτος. Purgatur propter serum, ejusque nitrum, quod
serum ac pituitæ, quod à spiritu roborato attenuatum
est, per ὑπέρθεσιν purgat. Nutritur & roboratur pro-
pter butyrum & caseum; sistitur & obtunditur pro-
pter eandem substantiam caseosam.

§. 56. Particularia vel ventriculū ac primas vias,
vel uterum respiciunt. Illum vomitoria à sabburra li-
berant, & pro rei necessitate vel è sale Vitr. vel metal-
lorum croco, vel laudatâ nobis Asari radice ac foliis
parari possunt. Uterus roborandus est, nequit autem
præsentē materiâ, ergò illa purgantibus tollenda.
Hoc HIPPOCRATES. I. c. κόκκω τῷ κνιδίῳ ἢ τῇ ῥίζῃ τῆς θαψύνης, illud
acerbis præstat, quæ ibi videre licet.

§. 57. Inventis jam materiis, quibus agendum, pro-
ximum est, ut quâ methodo, hoc est, quâ formâ, quan-
titate, quo tempore & ordine adhibere oporteat, in-
vestigemus. Id verò alterum indicantium minùs prin-
cipalium genus, τὰ φυσικὰ, demonstrant. Δεῖ enim,
inquit HIPPOCRATES. II. M. M. IV. 11. τὸν ὀρθῶς ταῦτα διαχειρίζμενον
διαγινώσκειν ἐκαστὴ τὰς φύσεις τῶν γυναικῶν & τὰς καιρὸς, & τὰς
ἡλικίας & τὰς ὥρας & τὰς τόπους & τὰ πνεύματα. Quæ ut non ni-
hil ad vulgi gustum disponamus, vulgarem divisio-
nem in res naturales, præternaturales & nonnaturales
sequemur. E' naturalibus primum indicans Tempera-
mentum tum hominis, tum partis patientis est, quod
cum vel ἰδιοκρασία vel ἰδιοσυγκρασία sit, illius respectu
NOSTRA vel sanguinea, vel biliosa, vel melancho-
lica, vel pituitosa propter sanguinis conditionem fuit.
Hujus verò, in certas res Sympathia vel Antipathia aut
naturali aut adscititia fuit. Posterius tanquam occultū
& ὅλη τῇ ἐξέσει agens, cum sola observatione cognosca-
tur, quis à nobis explicari posse, tacente HIPPOCRATE. credat?

Prius

Prius autem rationali conjecturâ assequi adeò difficile non est. Cùm enim HIPPOCR. I. c. 4. τὰς ὑπερ-
 λείκας ὑγρότητας τε ἔρωδεύοντας esse dicat, justa oritur
 suspicio, NOSTRAM valdè albam fuisse, præsertim
 quia GALEN. quoq; VI. de loc. aff. 5. ταῖς ἀπαλοσάκτοις ἔ-
 φλεγμαλώδεσιν evenire frequentius ait. Intensa autem
 albedo pituitosi temperamenti indicina est, cui prout
 fusci vel nigri plus minus miscetur, ita etiam biliosa
 magis minus venit dicenda. Pituitosam interim fuisse
 suppono. Partis laborantis, uteri, temperies, cùm cali-
 da propter sanguinem sit, in modo caloris, universalē
 corporis à sanguine pariter proveniente sequetur.

§. 58. Secundum Ætas est, quâ de licet nihil addat
 in historia HIPPOCR. cùm tamen constanter ἐν τῇσι
 γεραίτεροις ἢ γυναικῶν μάλλον γίνεσθαι, ἢ ἐν τῇσι νεώτεροιςιν ac-
 erat II. de M. M. I. 1. VII. 10. IX. 21. senior fuisse vide-
 tur. Non autem ideò ex illis sum, qui puellis aut virgi-
 nibus fluorem hunc evenire incorruptis ἀδυνάτον pu-
 tant. Docent enim OBSERVATIONES contra-
 rium & FERNELIUS in puella novem annorum
 vidit. Certum interim est rariùs virginibus ac puellis
 contingere, μάλλον ὃ senioribus, defloratis & mulieri-
 bus. Notandum autem, non simpliciter vetulas aut
 ætate confectas intelligi, sed γεραίτερας seniores adole-
 scentibus, quo sensu in Aphorismis aliquando voce
 τῶν πρεσβυτέρων utitur. I. 26. 27.

§. 59. Tertium Sexus est, quem è sola narratione,
 sequiorem & femineum esse patet, ita ut frigidiorem
 & humidiorē temperiem, habitumque tumidum,
 mollem habuisse NOSTRAM, verisimile evadat.
 Quartum à Viribus sumitur, quæ omnibus feminis ob
 calidi paucitatem minùs robustæ, hic autem à morbo
 quoque prostratæ & afflictæ sunt. Quintum Status &
 Vitæ

Vitæ genus est. Quoad illum, NOSTRA mater & fecunda, & fortè de filiarum dote sollicita fuit; tales enim curæ mulierculis cum ipso foetu nasci solent. Quoad hoc, certum quid affirmare nequeo. Conjectura est, nobile aut saltem urbanum, liberale si non luxuriosum, si non conjugale, saltem sociale, curis plenum & otiosum fuisse. Quæ omnia, quare sic & non aliter conjiciam, si prolixè exponere vellem, tædiosus & nimius forem. Consuetudo denique ultimum ex hoc genere indicans dirimitur in publicam & privatam. Ad illam horæ prandendi, cœnandi, communis ratio curandi &c. pertinent, ad hanc quidquid in victu moris habuit NOSTRA. Hoc uti divinari nequeo, ita illud è Græcorum moribus deducere possem, sed cum non Græcis, sed meis conterraneis ac civibus Medicinam facturum sim, frustraneo labori parco. Tempus autem, quo prandemus vel cœnamus GERMANI pro varietate Provinciarum, Urbium, Anni temporum varium est. In certis quoque Provinciis ac Urbibus certus est & peculiaris curandi modus à Medicis istius loci discendus.

§. 60. E' præternaturalibus indicantibus sunt morborum tempora, quorum ratione vel incipiente & recenti, vel inveterato laboravit NOSTRA, pariterque vel in principio Medicum vocavit, vel serò demùm cum mala per longas moras invaluère. NOSTRÆ inveteratum fuisse malum non pauca docent. E' nonnaturalibus denique aër & situs loci indicant. Qualis autem Græciæ & Patriæ HIPPOCR. hodiè Turcis Stampul dictæ situs & aër sit, hîc non attingo. Insulam fuisse notum est, ut ita cum nostra patria mari propinqua, non tamen calore tanto exusta, modo quodam conveniat. Anni tempus quale fuerit, cum taceat HIPPOCR. nescio; hyemem suppono.

§. 61. Jam

§. 61. Jam ad indicata veniamus. Monstrant Circumstantiæ inter cætera Ordinem medicamentorum, hoc enim in tanta necessariorum varietate opus est. Inchoanda igitur medicatio tam in recenti quàm inveterato morbo à Vomitorio, ut viæ per quas reliqua medicamenta naturæ grata transire debent, pateant. Forma & Dosis propter sexum, statum, vitæ genus & germanam consuetudinem, debet esse grata, tuta, efficax & parva. Grata quæ pro gustu patientis vel insipida, vel dulcis, vel acida, vel amara est. Tuta quæ multo usu probata Dosi non excedit. Efficax & parva quæ à quilibet ac remoris pura est. Ergò vel Oxymel vomitivum SALÆ & Oxyfaccharum ANTUERPIENSIIUM ex aqu. foeniculi vel alia grata & convenienti dandum, vel Asari coagulum, vel ejus sal, vel conserva Emetica ULTRAIECTINORUM & alia inde parata, vel croci metallorum infusum è vino vel aqua conveniente, vel fero sapphirino, vel ipse crocus in substantia cum Menthæ conserva vitriolata aut simili. Hæc enim omnia efficacia sunt in parva dosi pro materiæ natura determinanda. Diasarum FERNELII quòd multi laudant, & imbecilibus non obesse dicunt, propter Dosin nimiam ad sex drachmas vel unciam minimè convenit. Tribus enim drachmis, quam vulgò Dosin in antidotariis habent, inefficax esse docet JLL. HOFMANNUS de med. off. l. 4. 10. Tempus exhibitionis, cum nihil urgeat, matutinum & conveniens jejunium, donec perfecerit medicamentum quod debet, quatuor vel quinque horarum esto. Quòd si fortè mulier vomere inepta sit, purgans per alvum lene è familia supra dictorum sumi debet.

§. 62. Post viarum apertionem statim spiritum roborare materiis supra dictis oportet. Igitur quod ad Alimentorum administrationem spectat, NOSTRA quia femina, nobilis, curis plena, jentaculo, prandio,

merendæ, coenæ assueta, aër frigidus & locus maritimus est, paulò liberaliùs haberi debet, quàm vel temperamenti paucus calor, vel imbecillitas, vel otium, vel morbi vetustas requirant. Jentaculo igitur & merenda abstineat, solitis autem horis prandeat atq; coenet, ita ut pro suo palato, sine tamen interdictis, minime ad satietatē sumat, hoc enim pacto rectiùs digerentur, nec oppriment, sed roborabunt imbecille calidū.

§. 63. Quòd verò rectum Medicamentorum usum concernit, tria in illis, Forma, Dosis & Tempus exhibitionis considerata. Forma ob causas jam dictas tuta, grata, & efficax sit. Tuta erit si experta. Grata si boni saporis, coloris & odoris. Efficax, si penetrabilis & solutu facilis. Tuta quidem & efficacia è materiis laudatis Decocta sunt, sed minùs væcordi mulierum palato grata, & nostro loco non valdè usitata. Trochisci, Boli, Condita & Electuaria bona, Olea, Spiritus, Tincturæ & Extracta aptissima sunt. Tali autem omnes hæc formæ ordine adhibendæ. Primò ut spiritus vomitorio vel purgante dissipatus refocilletur citò, Extracta, Spiritus, Olea & Salia volatilia usurpanda sunt, quia ista omnia subitò in sanguinem rapiuntur. Deinde verò Pulveres, Trochisci, Conservæ, Condita & Electuaria magis conveniunt, quia ventriculum simul Atonia laborantem mora diuturniore roborant. Deniq; fiant è prioribus mixturæ, & propter morbi diuturnitatem, ne nausea creetur, modò hæc, modò illa seligatur forma, pro cuius natura & conditione Dosis & tempus exhibitionis, facile determinare licet. Ego verò quod non addam, ægrè nemo ferat, quia formulas consarcinare & librū pro disputatione scribere præter institutum nolo.

§. 64. Intereà temporis uterum purgare quidem sub initium, deinde abstergere, deniq; adstringentibus roborare oportet. Purgantia & Abstergentia forma liquida

quida instar clysterum per metrenchytam injiciantur. Adstringentia autē, cū vel liquida, vel solida, vel media præscribantur, & ad ista fatus Inseffus, Clysteres, ad illa Pessi, ad hæc, Unguenta, Emplastra, Cerota & Suffitus pertineant, negligi ex iis possunt Unguenta, Fatus & Inseffus, quia vix penetrant, Emplastra, quia pubi nimis adhærent, Suffitus; tam quia nec faciliè infundibulum admittunt, nec calefactū ferre possunt mulieres, quā quia quantumvis adstringentium fumus penetrat, igneaque vi venas ut plurimum aperit atq; dilatat. Pessi; quia turpes & collo uteri dicati sunt. Clysteres autem & Cerota in usum vocari possunt. Clysteres; quia NOSIRA virum fuit experta & partum, ipsumq; uteri cavum collui debet. Cerota; quia minus tenaciter hærent & virtutes medicamentorum nihilominus, imò rectius habent & deferunt.

§. 65. Et hæc omnia si cum judicio in TIMORE DOMINI adhibeantur, dubium non est, quin curari ac sanari possit, qui satis longus ac pertinax est morbus, & sæpè post curatam quoq; curam à vehementi spiritus agitatione senioribus in primis solet reverti. E' vero quippe divinus Senex: II. M. M. XIV. 30. 31. ὅσαι γεραιτέραι εἰσιν, ἐνίοτε ὑποστρέφει ἡ νῦντος, ἢ ἀπολλύται, τῇσι ᾗ νέησιν ἔθελον αἰώδης. Rationem in præcedentibus dixit, II. M. M. XII. 40. ὅτι αἱ γεραιτέραι ἔθελον ἀναφέρειν, ἀλλ' ἀπολλύται ὑπὸ ἀσθενείας.

§. 66. Deniq; si non arident, quæ mihi jam videntur sufficere, delicatiorum palatis, PLINIUS hisce verbis excuso: Ardua res est vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam & naturæ suæ omnia. Itaque etiam non assequutis voluisse abunde pulchrum & magnificentum est.

SOLI DEO SIT GLORIA.

